



Inatsisartunut ilaasortaq Juliane Henningsen

§ 36, imm. 1 malillugu ilisimatusarnikkut paasisanik ingerlatitseqqittarneq pillugu apeqqummut akissut

Inatsisartut suliariaasianni § 36, imm. 1 naapertorlugu 22. august 2008 Naalakkersuisunut imatut apeqquteqarputit ilisimatusarnikkut paasisanik ingerlatitseqqittarneq pillugu.

”Ilimmarfimmi naliginnaasumillu ilisimatusarnermi paasisat ilisimalikkallu innuttaasunut annerpaamik iluaqutaanissaat atorneqarnissaallu anguniarlugu, inuiaqatigiinnut paasisutissanik nutaarsiassanik ingerlatitseqqivissamik pilersitsinissamik Naalakkersuisut pilersaaruteqarnerlutik?

”Polarfronten” kalaallisut saqqummersinneqartalernissaanik Naalakkersuisut pilersaaruteqarnerlutik? Imaluunni Naalakkersuisut isumaqarpat danskit Naalakkersuisuisa tamanna akisussaaffigaa?

31. oktober 2007 Naalakkersuisut Inatsisartunut ilaasortamut Asii Chemnitz Narupip apeqqutaanut akissuteqarnerminni erserpoq Naalakkersuisut isumaqatigigaat ilisimatusarnikkut paasisat sapinngisamik annertuumik aalajangiisartunut aammalumi innuttaasunut anngussinnaangortinneqartassasut. Tamatumani apeqqut kalaallit oqaasii atorlugit saqqummersitsisarneq qitiuvoq. Naalakkersuisut taamattumik isumannaarniarnerarpaat Inussuk-kkut saqqummersitat siunissami danskisut, tuluttut kalaallisullu saqqummersalissasut. Pilersaarutit Naalakkersuisullu iliuuserilersaagaat sumut killippat?”

Ilisimatusarfik pillugu Inatsisartut Inatsisaanni nalunaarsimavoq, Ilisimatusarfimmi qullersaasut tassaasut siulersuisut. Ilisimatusarfiup suliffeqarfittut ilisimatusarfiusut ilinniartullu ingerlanerani soqutigisai siulersuisut isumagisaraat aalajanger-sortarlugillu ilisimatusarfiup ineriartornerani aqqissugaanerani maleruagassat. Naalakkersuisunit ilisimaneqarpoq, Ilisimatusarfiup siulersuisuisa periusissanik oqalliseqarneq ingerlakkaat, suliffeqarfiup piffissami ungasinnerusumi anguniagasaanik nalunaarsusaaq. Periusissanik oqalliseqarnermi ilanngunneqassapput ilisimatusarnermi paasisanik ingerlatitseqqittarneq, ingerlatitseqqittarneq Ilisimatusarfiup suliaasa ilagimmasuk. Siulersuisut periusissanik oqalliseqarnerata inerneriumaagaa Naalakkersuisunit utaqineqarpoq.

4. september 2008
Sags nr. 2007-003194
Dok.nr.86951

Postboks 1029
3900 Nuuk
Oq/tel +299 34 50 00
Fax +299 32 20 73
Kiiip-mail@gh.gl
www.nanoq.gl/kiiin

Naalakkersuisut isumaqarput, atuagassiaq "Polarfronten" atuagassialsialaasoq ajunngilluinnartumik aalajangiisartunut innuttaasunullu issitumi ilisimatusarnermik ilisimatitsilluni ingerlatitseqqittartoq. Naalakkersuisut maluginiartarpaat, "Polarfronten" Nunatsinni aamma arlalissuarnit pisartagarineqartoq. Naalakkersuisut "Polarfronten"-imit saqqummersitsisartut, Dansk Polarcenter, atassuteqarfiginiarpaat siunertaralugu misissorneqassasoq "Polarfronten"-imi ilanngutassiat aamma kalaallisut atuarneqarsinnaalersinnaanersut. Atuagassiap naqitanngorlugu aammalu elektroniskiusumik saqqummersinneqarsinnaaneranut periarfissat aningaasartuutissallu qulaajarneqassapput.

Ilisimatusarnermut tunngasunik imalimmik saqqummersittakkap "Inussuk"-p kalaallisut qallunaatullu saqqummersinneqartarnissaanut pilersaarutitut tunngatillugu Naalakkersuisut nalunaarutigisinnaavaat, "Inussuk"-mi saqqummersinneqartoq kingulleq "Peqqinneq pitsaanerpaaq" kalaallisuunngorlugu takkutilermat. Saqqummersinneqartussaq kalaallisuunngortinneqareerpoq, ilusilersorneqareerluni, kukkurnersiorneqarnissaa naqiterneqarnissaalu kisimik amigaataallutik. "Peqqinneq pitsaanerpaaq" ukiap ingerlanerani saqqummissasoq naatsorsuutigineqarpoq. Pilersaarutigineqarpoq "Inussuk"-it saqqummersinneqartartussat aammattaq kalaallisut qallunaatullullu saqqummersinneqartassasut, kiisalu avannaamioqatigiit oqaasii atorlugit imaluunniit tuluttut.

Kiisalu oqaatigisinnaavara, suleqatigiit Københavnip Universitetiani Det naturvidenskabelige Fakultet-imit ilaasortaaffigineqartut isumaqatigiissuteqarneq malillugu siunnersuummik saqqummiussilermata, siunnersuusiussallugu pinngortitalerinikkut ilisimatusarnermut tunngassuteqartunik aammalu pingortitalerinikkut ilisimatusarnerup inernerinik qanoq iliornikkut pitsaanerpaamik Nunatsinni innuttaasunut ilinni-arfinnullu ingerlatitseqqittarneq anguneqarsinnaanersoq.

Inussiarnersumik inuulluaqqusillunga

Tommy Marø